

# Dekriminalisasyon para sa Mga Gumagamit ng Bawal na Gamot sa BC

Pinapayagan ang mga nasa hustong gulang na 18 taong gulang pataas sa BC ang posesyon ('pagkakaroon') ng kaunting dami ng ilang partikular na ilegal na droga para sa personal na paggamit (mga opioid, cocaine kabilang ang crack at powder, methamphetamine, MDMA). Naaangkop ang ilang eksepsiyon.

## Bakit

Ang substance use (paggamit ng bawal na gamot at pag-inom ng alak) ay isang isyu sa pampublikong kalusugan at hindi pangkrimen. Maaaring maitulak ng hiya at takot sa kriminalisasyon ang mga tao na gumamit ng droga mag-isa, at maaaring nakamamatay ang mag-isang paggamit ng toxic drugs o mga mapanganib na gamot.


Makakatulong ang dekriminalisasyon sa pag-alis ng stigma at hihikayatin ang mga taong gumagamit ng bawal na gamot na humingi ng mga serbisyo at pangangalagang nakakapagligtas ng buhay.

**Hindi legalisasyon ang dekriminalisasyon. Ang mga bawal na gamot na ito ay patuloy pa ring ilegal at hindi ire-regulate at hindi ibebenta sa mga tindahan. Ang drug trafficking o pagtutulak ng droga at mga kaugnay na opena ay nananatiling ilegal.**



### Sino

Mga nasa hustong gulang na 18+ sa BC. Hindi ito naaangkop para sa mga batang wala pang 18 taong gulang.



### Kailan

Mula Enero 31, 2023 hanggang Enero 31, 2026.



### Saan

Sa Province of BC lamang.

## Ano ang magbabago...

Pinapayagan para sa mga nasa hustong gulang na 18 taong gulang pataas sa BC ang posesyon ('pagkakaroon') ng kabuuang dami na katumbas o mas kaunti sa 2.5 gramo ng mga sumusunod na bawal na gamot o ilegal na droga para sa personal na paggamit:

- Mga opioid (kabilang ang heroin, morphine, at fentanyl)
- Cocaine (kabilang ang crack at powder cocaine)
- Methamphetamine (meth o shabu)
- MDMA (ecstasy)

Ang mga nasa hustong gulang na may posesyon ng hanggang 2.5 gramo ng mga bawal na gamot na ito para sa personal na paggamit ay hindi aarestuhin, kakasuhan, papatawan ng multa, o kukuhanin ang kanilang bawal na gamot. Sa halip, bibigyan sila ng impormasyon tungkol sa mga boluntaryong suportang pangkalusugan at panlipunan.

Maaaring naaangkop ang mga bylaw ng munisipalidad para sa paggamit ng bawal na gamot sa pampublikong lugar.

## Ano ang mananatiling ilegal sa BC...

Anumang dami ng anumang ilegal na droga, kabilang ang apat na uring nakalista, ay hindi maaaring nasa posesyon:

- sa mga ari-arian o lugar ng mga elementary at secondary schools at pasilidad sa childcare
- sa mga airport (paliparan) o iba pang port of entry; o
- malapit sa isang tao na nagpapatakbo ng isang sasakyan o sasakyang pantubig

At hindi maaaring

- i-import or i-export
- i-produce o gawin
- ibenta (drug trafficking)
- dalhin o itawid sa isang domestiko o internasyonal na border

Bersyon: Oktubre 6, 2022

Para sa pinakabagong impormasyon at kumpletong listahan ng mga eksepsiyon, sumangguni sa [www.gov.bc.ca/Decriminalization](http://www.gov.bc.ca/Decriminalization)

Decriminalization of People Who Use Drugs in BC [Tagalog]



Ministry of  
Mental Health  
and Addictions